

晉縣志

130.85
42
5-6

第一冊

序

修志大意

修志姓名

天文門

星宿

地理門

沿革 疆域附

山水 橋梁附

古蹟

村社 五區附

道路 墩臺附

邱隴

公署

城池

戶口

田賦

市鎮

中華民國十六年歲次丁卯孟春

晉日縣志

衡水劉乃晟敬題



晉州舊志序

明學正東魯張君右撰

郡志志郡也晉舊有志弘治間郡守孫公玘郡博章公經隆慶間郡守趙公翰郡博姜公賓周相續修梓厯有年所矣第隸屬未麗邦典缺然萬曆甲戌懷寧昆石容公以名制科來刺是郡閱志乘弗備即有志幸修之未遑也再越歲政通之暇迺進儒生諭之曰志史之流也紀若闕焉吾責也於是重加纂述別舛葺畧躬為裁定以採以擇務歸至當爰屬節判容峰孫君參校而詮次則庠士張生胤壯輩例分彙別彙括成編六閱月而告竣君右取而讀之休哉志真史家者埒也凡制度之沿革疆域

晉縣誌

卷之一

序

之廣袤山川之險易風教之淳漓賦籍之息耗戎祀之廢修官師之良窳人物之淑慝政事之治忽藝文之質靡犁然具陳信可以彰往可以垂來蔚然成一方文獻晉之人賴以不朽者其在茲乎夫志乘治郡之一事耳昆石公用意之勤且懇若是其諸養士導民之具又當何如余猶慶晉人士之有遺也猥以菲陋莫克置評其間第欣逢盛美適觀厥成謹序其顛末以弁簡端世有外史氏作當必于斯志乎采矣

續修晉州志序

尚書載禹貢周禮列職方志之所由來尚矣迨司馬子長著列
書傳班孟堅易為地理志而裨官野史亦復有風土之記方輿
之考於是郡與邑各有紀乘凡風土人物列若指掌俾後人攤
卷瞭然酌古準今化民導俗確有成畫志之有關於治誠綦重
矣程明道尹上元以修乘為居官第一朱紫陽守南康先修郡
志良有以也晉郡有志明宏治間郡守孫公玘隆慶間郡守趙
公翰萬厯間郡守容公若玉相繼修葺越今百禩人情物理大
半不相蒙襲今問俗觀風徵文考獻者漫無依據詎不謂之闕

晉縣誌

卷之一

序

二

典哉我思蓼郭郡侯江南世家由黃堂左遷視事茲土蒞任來
百度惟貞善政未易殫述常進恭而語之曰志信史也鏡往恭
來實式賴之不可以弗輯今奉憲檄纂修志書乃公即仰遵憲
台之意設局具供悉出自俸薪延鄉紳紀君澤九為之校讐廩
生楊子文燦呂子叶瑞為之採訪闕子永清為之編次恭亦備
列參考共襄厥事而公手自裁訂據事立言詳其所當詳揆義
正法畧其所當畧書以卷分彙以例別有典有則不繁不緜表
章論斷悉準於麟經綱目使非公具班馬之才印程朱之心烏
能成此鉅典乎方今聖天子右文重學實錄記注次第修舉復

肇修一統志以彰無疆惟休之烈而我公文學政事卓絕一時
不次之擢當以此志為左券恭猥以菲陋謬廁儒彊欣逢盛美
適觀厥成敬綴數言於末簡亦附公之書以傳不大有榮施也
哉

皆

康熙十四年乙卯夏日晉郡儒學學正舉人淑陽程思恭謹撰

重修晉州志序

晉州古鼓子國漢魏為下曲陽元中統間乃改今名蓋真定東隅之重地也舊志云鼓山聳翠潯水環清背倚恒岳肘扼陸川亦可見形勝之大概矣而或者曰晉地極目平沙絕無蒼巖白石參差掩映足供流覽所謂左接瀛海右擁太行俱非肘腋間物徒虛語耳是殆不然聞之青烏家言山巖之秀脉落平陽達人曠觀俯視寰宇九點煙耳名山大川何必居籬落間乃為己物余為諸生時曾入州境見其民物熙洽風俗淳厚桑麻遍野絃誦有聲心竊美之以為一變至道此地其庶幾也歟迨鼎革

晉縣誌

卷之一

序

四

以來聞地漸瘠民漸困探丸者劫人於萑苻衿佩者發咏於莠華則又不勝慨嘆安得良有司綏父之以復昔日之盛也乎會州大夫思蓼郭公來守是邦拮据三載以子視民以禮育士政清人和百物阜舉因奉撫軍諸司憲檄修輯志書乃聘諸生闕永清等編次採訪學正陳思恭鄉紳紀雲等參訂考校大夫則修飾潤色斟酌損益期於至當書成問序於余余讀而善之蓋志即一方之史也史才甚難唐劉知幾謂有三長五不可而又云學才識世罕兼之故史才少今觀志中有綱有目分為十卷體裁較然而每款有引有斷備規勸焉安饒武三邑例有聯轄

聽其另修不相混淆見統屬焉職官師長功德可紀者褒其大概
概恕其疵瑕善善長而惡惡短存厚道焉科目仕宦孝義節烈
有關風化核諸典紀詢諸父老確實無私示鼓勵焉藝文惟擇
其有裨於治理者經制則取其有切於民瘼者而道釋二途原
屬異端非王化之所尚附諸簡末以寓存而不論之意豈不三
長之咸具也乎余因是而有所感矣古今治天下之大要吏治
與人才而已有吏治而人才愈盛有人才而吏治愈淳此廟堂
所宜慤慤加意也即如晉之人才指不勝屈而唐之鄭國明之
恒山尤為表表者然鄭國受業於河汾恒山受徒於書院其學

晉縣誌

卷之一

序

五

皆有所本矣學而後吏為良吏儒為真儒可以為州郡之父母
亦可以為天子之大臣匪是則以寇萊公之功業尚有不學無
術之譏然則學可以不勉乎哉州大夫之亟亟於修志也仕而
優則學之大指亦所以化此州之士氓共沐浴於先哲先民流
風餘韻而徐求所為一變至道者豈僅操觚染翰鋪張纂組以
應編摩之故事而已耶夫以其學為志一州之書規模已遠大
如此若進而登天祿奎章之閣睹金匱石室之藏又何難揚乾
耿光大烈繼龍門扶風之軌迹也余故樂述而為之弁其端
康熙十五年丙辰

保和殿大學士魏裔介撰

續修晉志序

修志書而必俟之百年或數十年後其間滲漏遺缺失傳者固多且附會影似疑以亂正故知魚豕貽誤其害更甚文獻之無徵也為人子孫者述其祖父行事無不條理井然至於高曾則惟舊家有銘狀可垂餘僅詢之遺聞率多約畧乃一家中猶遠搜不若近考况郡邑之大鄉不一村村不一姓安能不積久而湮沒也求其不致湮沒莫如勤修志書然所以因循不修者或慮採訪失實以致慎重之思或慮頭緒浩煩且苦剗削之艱豈知愈久則愈失實愈久則愈浩煩如之何其不思也晉志修自

晉縣誌

卷之一

序

六

康熙乙卯閱今甫十五年耳支干既易天道民情亦已一變問俗者不無盛衰淳漓之感焉其間宜增益者時近事簡詢之紳士問之故老無不瞭若指掌也卷不全增增止數則甫開局而旋告竣使後追溯修葺之時代而於予亦得置一座焉則以因事就簡之思而得踵美增華之觀予滋厚幸矣至於或取諸筆載或述所目覩或立傳以紀官寮或紆文以明宦業則皆鄭戴二學博鄉紳韓君鏡張君雲程呂君棻諸生則呂子叶瑞楊子劬張子鏡劉子鐸也獨關君永清未覩成書輒先厭世筆墨猶新人琴足悼是為序

晉

康熙二十九年歲次庚午孟冬中書科中書改授今晉州事古
姚陳祖法題

晉縣誌

卷之一

序

七

續修晉志序

昔朱紫陽蒞南康首先問志賢者留心文治誠若是汲汲也余不佞待罪於晉七年矣簿書鞅掌曾未暇修明典籍抑又何哉蓋以晉志重修距今未踰一紀言疆域則已正言山川則已莫言土田貢賦則有定額言人民物產則有定數典禮具在風俗未改奚事修飾為加前此歲比不登民有饑色而衿縫縷裂結誦聲微久不能振起科第即欲繪圖布策非所以潤太平昭盛事也受事以來夙夜冰兢加意教養近幸豐年屢慶物阜民安其士子亦蒸蒸庠序間登賢書者聯翩接踵余即不敢妄貪天

晉縣誌

卷之一

序

八

功亦庶幾可告無罪迺不禁躍然曰表彰文物鼓吹休明其在此時乎且余家平陽與此州同隸古三晉之地居恒觀載籍覽輿圖猶思一至其域翫其風景披其往事考其人物矧余待罪於晉則將以身視晉以家視晉凡晉之山川土田貢賦物產以及典禮風俗猶米鹽薪水之必須檢點手足耳目之必須愛護也兼之名賢繼起藝苑新馳營建用增廢置有故聞聞見見月異而歲殊於茲忽焉弗覈畧焉弗備坐令文獻無徵輿革失據余滋愧焉此晉志之修所以不能已於今日也郡學生劉子士麟博學有史才余乃令網羅放失續輯成書而余亦謬為乘韋

大約叙事務詳以當錄善務核以實意寓勸懲文追典雅於以
表彰文物鼓吹休明不誠有餘裕乎至於有疆域則思所以安
靖之有山水則思所以封濬之有土田貢賦則思所以正其經
界而緩其催科有人民物產則思所以安其田里而節其用度
俾典禮愈明備風俗益淳熙興革利於蒼生文獻登諸國史此
尤余所惓惓加意而深媿未逮者用以告夫後之君子

省

康熙三十九年庚辰季夏 賜進士出身奉直大夫知晉州事
安邑康如璉撰

晉縣誌

卷之一

序

九

補刊晉州志序

郡邑之有志備載風土人情所以光前徽而垂後鑑也鼓城紀
來自國朝康熙三十九年重修後迄今百有餘歲歷時久而日
就湮沒即有起而欲修輯者失所據依何由紹往緒以示來茲
乎林自乙卯冬承乏晉邑見所藏郡志版頗多殘缺漫漶不能
卒讀每於公餘之暇謀諸薦紳苑子世亨楊子亶驛覓得舊志
二函互相印證各有脫簡維時簿書鞅掌軍需倥偬未及攷訂
爰屬廣文謝子膺祺覈對編次全帙悉仍舊志未嘗增損於其
間其體畫間有模糊者亦未敢擬以臆見竊取夏五郭公之義

晉縣誌

卷之一

序

十

闕疑卽以示信也歲次己未捐廉鳩工補刊庶幾往蹟猶得以
存焉至今昔沿革之不同治績人材之可採者有待續修則俟
諸後之君子

者

咸豐十年歲次庚申知晉州事浙東朱寶林撰

晉縣志叙

縣之有志猶國之有史也豈獨紀掌故備考核已哉地方之利弊山川之險要以及文化之盛衰物產之豐吝皆將於是乎求之昔蕭何入秦先收圖籍因以知其山川府庫戶口而漢以興朱子知南康首先問志因以知其地方情勢而南康以治自古爛於治道之君子罔不以圖志為重其用意蓋深且遠也余自強仕之年以縣知事供職畿疆常以為職位雖卑地方安危之所繫也數十萬生靈之所託也夙夜祇懼常恐隕越為君子羞是以詔車所至必先乘一蹇驢周歷全境以便知歷年來各種

晉縣誌

卷之一

序

十一

情勢之變遷凡以備斟酌損益之資為措施之具若非然者雖有慈祥愷悌之懷而措施之間或緩急失宜或竟與地方人情相反雖欲治安得而治哉中華人民建國之十有一年秋余奉命來宰晉邑旬月之間遍歷四境既略知地方之大概退而求其志乘久而弗獲既而搜得一帙缺陋不堪卒讀蓋自清康熙庚辰續修迄今失修者二百餘年矣心甚憾焉一以憾地方人士二百年來竟無留心鄉土者也一以憾前之司牧豈無賢俊竟不為後來者留治具也李翰如驥程者邑名士也因公來謁先出其所著鄉土志以相授與之談又知其擬修縣志有志而

未逮也嗣因李先生知呂朝北椿齡亦邑耆宿與之談知與李先生同志人也於是心大慰歲甲子於聖廟內設立縣志局即聘李先生為局長而以呂先生及趙樹德養源為之副是延劉宅鳳翽卿張夢齡與九季金章華國等分任編輯採訪之責於是諸先生不避艱苦朝夕將事余亦擬俟其稿略就於從政餘暇相與為遷密之商量精細之討論以期歸於完善歲乙丑三月書未告成而余去職當此之際諸先生堅囑留一言以為紀念嗚呼余何言哉余又安忍無言哉當今之世官治不足恃也自治而已自治之本村治而已一村治則積村而縣一縣治則

晉縣誌

卷之一

序

十二

積縣而省由是而談國之安危政之隆污此其責豈不在地方士紳哉顧寧人所謂天下興亡匹夫有責者此也雖然當此官治自治過渡之秋若非賢有司指導而提倡之人民安於舊習所謂自治所謂村治則亦無由進行教育實業及一切自治事宜亦同歸不振而已因勢利導是又司牧者之責也至於是書之體例有沿舊者有增補者皆出諸先生之公意其分天地人物四門乃李先生之所創也李先生及諸先生既長於史才而又菲飲食冒寒暑以從事於著述其功之勤若此後之君子能勿感乎感其功之勤而繼續修補俾此關於地方治具之作永

遠不墜是又後學之責也凡此皆吾之所欲言也故併書之以
質之諸先生諸先生以為何如也嶧山孟昭章
中華民國十四年四月上浣

續修晉縣志序

曠觀宇宙縱橫水陸之上往來古今之中國各有國史縣亦各有縣志大千世界國之積也國縣之積也欲治國必先治縣欲治縣必先悉此一縣天之所以鍾靈地之所以毓秀人文之所以蔚盛物產之所以蕃昌始有措施標的所謂探天下之蹟然後可以盡變通天下之志乃可以成務也若是則縣志尚矣若霖猥以譚陋謬宰晉邑下車之初索閱縣志方知此志曠二百年餘年未曾續修現經孟再前任昭章提倡及李紳翰如纂其成呂紳朝北趙紳樹德已作襄其事劉紳宅鳳張紳夢齡等分任

晉縣誌

卷之一

序

十四

編輯李紳金章等熱心採訪與吳前任士俊賡續籌款僅梓至四冊而首三兩冊尚未付刊覽讀一過胸襟為開雖功虧一簣然文獻有徵所裨益於今之蒞茲土者良多志內創分天地人物四門網舉目張眩而且詳夫志之為用所以紀述過去之陳蹟現在之狀況以啟將來縣志之發達於無窮也天道不變而風晴雨雪災祥攸關地道不變而滄海桑田今昔異觀天之所履地之所載惟人與物故人事之隆替物產之豐嗇亦每每隨天地之大運為轉移人秉天地之氣以生利用萬物以榮養得道者存失道者亡前人之得後人之師前事之失後事之鑑不

有比較不知擇善不有紀述不得考証以今志視昔志縣治各
端何事已進步何事反退化而進步與退化之原因究何在反
復推求始能止於至善倘後再行續修追溯今志亦因之而為
損益遞傳無窮即縣治發達亦無窮天不失時地不失利化行
俗美物阜民康將縣志之紀載盡化為康衢之謳歌如是則今
日之續修此志及將來之按期續修皆為當務之急而孟吳兩
任與修志諸紳慘淡經營搜佚於幾絕厥功亦甚偉若霖來
此當變亂之秋戎馬倉皇施政無狀茲復奉令解組尚多應興
應革有志未逮之事惟有期諸後之賢能及地方紳耆匡救進

晉縣誌

卷之一

序

十五

行是為序

中華民國十五年歲次丙寅仲夏月陽新徐若霖